



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj:01-02-2-4272/19

Dana, 27.08.2019.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnika Aljoše Čampara, dostavlja se;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"-Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na Jedanaestoj radnoj sjednici Skupštine Kantona Sarajevo održanoj dana 15.07.2019. godine postavio zastupnik Aljoša Čampara.

ODGOVOR

Podzakonski propis Uredba o radnim mjestima koje obavljaju državni službenici i namještenici pod posebnim uslovima rada iz člana 72. Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19 i 31/19) je pripremljena i dostavljena na mišljenja nadležnim organima 2017. godine. Ministarstvo pravde i uprave i Ured za zakonodavstvo su dostavili mišljenja da je tekst Prijedloga uredbe usklađen sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda, te sa Ustavom i pravnim sistemom BiH. Ministarstvo finansija je dostavilo mišljenje da je potrebno na jasan način definisati kriterije na osnovu kojih bi se moglo utvrditi koja su to radna mjesta, koje obavljaju službenici i namještenici, a koji iziskuju posebne uslove rada i posebne odgovornosti na osnovu kojih bi se ostvario dodatak na plaću. Policijski komesar je imenovao komisiju čiji zadatak je da predloži kriterije za radna mjesta na kojima se obavljaju poslovi pod posebnim uvjetima i odgovornostima u skladu sa navedenim mišljenjem. Stupanjem na snagu Zakona o izmjenama i dopunama Zakona o unutrašnjim poslovima Kantona Sarajevo intezivirane su aktivnosti na izradi Prijedloga uredbe, koja će biti dostavljena donosiocu-Vladi Kantona Sarajevo.

- Uredba o činovima policijskih službenika iz člana 78. stav (5) Zakon o policijskim službenicima Kantona Sarajevo („Službene novine Kantona Sarajevo“ br. 38/18 i 26/19)-(u daljem tekstu:Zakon), Uredba o postupku u slučaju prekobrojnosti policijskih službenika iz člana 77. stav (5) Zakona,



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Uredba o tekstu zakletve policijskih službenika iz člana 66. stav (3) Zakona, Uredba o smještaju, čuvanju i postupanju sa privremeno oduzetim predmetima iz člana 23. stav (3) Zakona i Uredba o obliku službene policijske iskaznice i značke iz člana 5. stav (5) Zakona su u proceduri donošenja. Ministarstvo unutrašnjih poslova Kantona Sarajevo je dužno donosiocu redbi-Vladi Kantona Sarajevo pripremiti prijedloge u skladu sa Ustavom i Zakonom. U Programu rada Ministarstva unutrašnjih poslova Kantona Sarajevo za 2019. godinu iz nadležnosti Skupštine Kantona Sarajevo za juni 2019. godine programirano je donošenje Zakona o izmjenama i dopunama Zakona o policijskim službenicima Kantona Sarajevo (usvojen je na Devetoj radnoj sjednici Skupštine Kantona Sarajevo dana 19.06.2019. godine), a stupio na snagu dana 05.07.2019. godine. Izmjene Zakona se odnose između ostalog i na oblasti, koje se uređuju uredbama. Iz tog razloga Ministarstvo je donošenje uredbi odgodilo da bi se izbjeglo u kratkom roku mijenjanje istih. Nakon usklađivanja sa usvojenim izmjenama i dopunama Zakona prijedlozi uredbi će biti upućeni nadležnim organima radi davanja mišljenja u skladu s Uredbom o postupku i načinu pripremanja, izrade i dostavljanja propisa („Službene novine Kantona Sarajevo“ br. 21/11-Novi prečišćeni tekst, 30/11, 23/15, 26/17 i 50/17-Drugi novi prečišćeni tekst).

Prilog:
-CD;

Dostaviti:
1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0) 33 286-701, 286-702,
Fax: + 387 (0) 33 226-445
Sarajevo, La Benevolencije 16

